


## TÂWPNA HUNA THINLUNGTE HAWI KÎRTÎRIN



**CHÂNGVAWN:** “Ngai teh u, LALPÂ ni ropui leh râpthlâk tak a lo thlen hmâin, Zâwlnei Elija chu ka rawn tirh ang che u. Ani chuan pâ leh fâte inkârah inrem lehna a thlentîr ang; Chuti lo chuan ka lo kal ang a, ânchhiain lei hi ka nghaisa dah ang e” (*Malakia 4:5, 6, NKJV*).

**SABBATH CHAWNÛ**

*JUNE 22*

**Chhiar tûrte:** *1 Lalte 16:29–17:24; 18:20–45; Malakia 4:5, 6; Matthaia 3:2; 11:14, 15; 17:10.*

**K**AN NUN hian hun hrang hrang a tawng a. A châng chuan ka han kal tuang viau thîn a, kal tuan loh châng pawh a awm fo baw. A châng chuan kan chhûngkua te hi him thain a chak viau thîn a; a châng lêmin a derthâwng hle a, keh darh vek hial tum pawh a awm thîn.

Keimahni emaw, kan chhûngkua emaw chu eng dinhmunah pawh dingin, hun harsa emaw, hun lâwmawm emaw pawh kan tawng mêk a ni mai thei; mahse, Pathian thutiamte êngah chuan kan nung thei a, nung tûr pawh kan ni rêng baw. Chûng thutiamte chu kan thinlung, nunna leh theihna zawng zawnga kan vawn tlat a pawimawh a, a chhan pawh chûngte chu kan beisei awm chhun a ni si a.

Chutih rual chuan, beiseina ropui tak a ni tih erawh kan hriat a ða bawk. Pathian Thu hian thutiam ropui tak tak min hrilh a, chûng thutiamte chu eng dinhmuna ding pawh ni ila, keimahni tân te, kan hmangaihte tân te, kan chhûngkaw tân leh kan kohhran tân pawh a ni vek tih hriain kan ta neih theih a ni.

Hê zirlâi, tân kuartara chawlhkâr hnuhnûng berah hian Bible thawnthu ðenkhat te, thutiam ðenkhat te leh mi thil tawn ðenkhat te kan en ho dâwn a. Chutia kan en pah chuan keimahni tâna zirlai zir chhuah theih awm âwmte pawh hriat kan tum bawk ang. Tua te pawh niin, khawi hmuna awm pawh ni ila, harsatna, hlauhna, leh lungngaihna eng emaw tak chu kan tâwk ðeuh hlawm a. Mahse, thil lâwmawm deuh chu, kan hmachhawn thilte min hriatsaktu ni ringawt lo, chûng thilte hneh theitu Pathian chibai kan bûk hi a ni.

**SUNDAY**

*JUNE 23*

### **Thinlungte Hawi Kîrtîrtu Hrilhlâwkna Chu**

**Elija lo lan târ thû hrilhlâwkna leh chumi hun chu a lo thlen tawh thû Thuthlung Thar lehkhabu hrang hranga a inziakte hi khâikhin ang che.** *Malakia 4:5, 6; Matthaia 11:14, 15; 17:10; Marka 6:15; Luka 1:17.*

Malakia hunlâi khân “Ka hnênah lo kîr ula, tichuan, in hnênah ka lo kîr ang” tia Pathianin Israel hnam a ngenna chuan, “Eng kawngah nge kan lo kîr ang?” tia chaltlâi taka chhân lêtna a tawng a (*Mal. 3:7, NKJV*). He zâwlnei beidawng tak mai hian an harh thar leh theihna târ kawng remchâng a puang a. Elijan an thinlung a lamlêttîr leh thû te (*1 Lalte 18:37*) kha ngaihtuah chhuakin, Pathian chuan “pâte thinlung chu an fâte lamah a hawi kîrtîr ang a, fâte thinlung pawh an fâte lamah a kawi kîrtîr bawk dâwn” (*Mal. 4:6, NKJV*) niin a puang ta a ni.

Juda-te chuan Elija kha Messia lo kal tûr thu puang tûrin a hring a hrânin a rawn inlan leh dâwn niin an ngâi thîn a (*Mat. 17:10; Marka 6:15* en rawh). Amaherawhchu, Thuthlung Thar lehkhâbûte hian Baptistu Johana khân hê hrilhlâwkna thû hi a rawn hlen chhuak tawh niin an sawi thung (*Mat. 11:14, 15; Luka 1:17*).

**“Thinlung hawikâr” tih ðawngkam hi eng nge a awmzia nia i lo hriat le?**

Helâi thûte hi thil chi hrang hrangah a hmehbel theih a, chûngte chu: *Israel mîte leh LALPAA inrem lehna a kâwk*. Pathian chuan Pa a nih ang ngeiin (*Isaia 63:16*) a fâte laka a thinurna chu a lam lêt leh a (*Mika 7:18, 19*), a hnêna kîr leh tûrin a sâwm ta zâwk a ni (*Isaia 44:22; Mal. 3:7*). *Thû thlun thar lehna hmanga ðhangtharten anmahni thlahtu mi rinawmte kawng an rawn zawh ve lehna a kâwk*. Zâwlneite khân Pathian mîte chu anmahni thlahtûte kawng zawh tûrin an sâwm châmchî a. An ram hmuingîl leh hmuingîl loh kha thuthlunga an rinawm leh rinawm lohah a innghat tlat a ni (*Deut. 4:29–31*).

*Chhûngkaw inlaichînna chhe tawh dinthar lehna a kâwk*. Nû leh pête leh an fâte inzawmna hi Pathian laka an rinawm leh rinawm loh târlanna ðha tak a ni a. Nû leh pête leh fâten mahni mawhphurhna ðheuh ðha taka an hlen chhuah a, chhûngkaw hlim a lo awm ðhîn ang chiah hian Pathian lakah an rinawm a nih phawt chuan malsâwmna an dawng a, an ram an luah chhunzawm reng bawk dâwn a ni (*Thuf. 2:21*).

**Pathian nêna inlaichînna chhe tawh dinthar a nih leh tâkna leh in chhûngkhura inlaichînna chhe tawh dinthar leha a awmna khân eng nge inzawmna a neih le? Eng vângin nge a khawi emaw zâwk zâwk hi thleng hmasa phawt tûr a nih?**

**Chhûngkaw Inhmuh Khâwm Lehna**

Lal Ahaba nupui, Sidon mi Jezebelin Israel mîte zînga Baala biakna a rawn seng lût ta mai khân, Israel hnam chu sualna khurpuiah a hnûk lût a. Inneihna leh chhûngkaw pawimawhzia sawi a, thianghlim taka mipat-hmeichiatna hman tûr a ni tih hrilhtu Pathian zirtîrnate chu chîn ƣa lo tak tak—mahni laina hnâi nêna mipat-hmeichiatna hmanna te, nawhchizawrhna te leh hur herhna dang eng eng emawte chuan a rawn luahlân a. Hetianga chibai bûkna thû-a inhnia na namêm lo tak awm mêt kêrah hian, a hming awmzia pawh, “Jehova chu ka Pathian a ni” tihna ni ngat Elija chu rawn ding chhuakin, Israel mîte chu Baala an biak avângin a rawn zilhhâu ta hrep mai a ni.

**Engtin nge Elija khân milem biakna a nuai bo va, engtin nge chhûngkaw tinah nunna thar a thlentîr leh bawkle?** *1 Lalte 16:29–17:24; Luka 4:25, 26.*

Israel ram puma khua a khen tûr thû a sawi hnu lawk khân, Elija chu man tuma veh zui nghâl a ni a. Mahse, Pathianin a hum him tlat a, tû mah vakin an va tlawh pawh loh hmun, Jezebeli seilenna bul lawk, Sidon ram Zerafet khuaa awm hmeithâi rethei tak pakhat inah a chentîr vê a. Chu hmeithâi chu chibai bûk a, tichuan, amah fiah nân a thingfâk leh hriak leh chhangphut neih chhun chu hmanga ei tûr siamsâk tûra ngênin, a hma lam hun chu Pathian kuta dah mai tûrin a hrihl a.

Chû nû chuan a thû chu a zâwm a, a rinna chu mîte hrihlfâk lo niin, Isua meuh pawhin a fak vê hlê a nih kha (*Luka 4:26*). A hriak leh chhangphut chuan ni tam tak chhûng a daih tâk avângin Jehova chanchin pawh a hriatthiam belh ta zêl a. Mahse, vânduaithlâk takin a fapa

chu a dam lo ta hlauh mai a, rei vak lo hnû-ah a thi zui ta mai a. A lungngaih thû Elija hnêna a thlenah hian a chênna ram vêla mîte ngaihdân dik lo tak chu a chungah pawh a lo thleng taah a ngâi a ni tih a lang. Chutiang sâkhaw dik lo tak, Israel ram pawh rawn rûn mêktu chuan, miin thil sual a tih chuan pathianin a fa a rawn tihhlumsak thîn niin a zirtîr a ni (*1 Lalte 17:18; Jer. 19:5; Mika 6:7*).

**A fapa lo dam leh ta khân a thlarau nunah eng nge nghawng a neih le? *1 Lalte 17:24*. A thil sawi aṭang hian eng nge zir chhuah theih kan neih sawi rawh.**

Hê Fawiniki hmeithâi thu sawi hian Elijâ thuchahin nghawng a neih chu a târlang Chiang hlê. Pathian leh a Thu-a rinna ngah ngamna chu a thinlungah a rawn piang chhuak a, a thiltihtheihna hmangin nunna thâw chu lo kîr lehin, chhûngkaw inhmuh khâwm lehna a thleng ta a ni. Tûnlâi mi tam tak hi chuan pastor-ten thurin an sawite hi an pawm liam vê puat a; chû chuan an thlarau nun erawh a khawih lêm sî lo. Mahse, Pathian Thû hi mi mal nuna seng luh a nih chuan, in chhûngkhura harh tharna leh inrem lehna a lo thleng a, thinlungah nasa zâwkin thiam lo nia inhriatna a lo lang thîn a ni.

**In chhûngkua khân eng kawngahte nge inrem tlan leh in la mamawh le? Chutianga in inrem leh theihna tûr chuan Pathian thutiam engte nge in tân beisei theih awm?**

THAWHLEHNÎ

*JUNE 25*

**Maichâm Lama Thinlung Hawi Kîrtîrin**

**1 Lalte 18:20–45 chhiar la. Heta thil thleng hi tâwi kim deuhin sawi chhâwng ang che. A chheh vêl thilte chu a**

**inang hauh lo nâin, hê thawnthua Elijâ thil tih dân kan hmuh hi engtin nge chhûngkaw nunah pawh hman vê theih a nih tho le?**

Karmel Tlângah khân Elija chuan a mîten thuthlung thar thawh leh se a ti ngawih ngawih a, an thlahtûte rinna lama an hawi kîr leh a nih chuan an nunah te, an in chhûngkhurah te leh an ramah ngei pawh damna a rawn thleng leh dâwn sî a.

*Tlâi lam inthâwi hun.* Milem pathian puithiamte hlwhchham thak hnû chuan Elija a rawn ding chhuak vê ta a. Ruahmanna fel tak a nei sâ vek a. Tlâi lam kher a thlanna chhan pawh hetih hunah hian biak bûk rawngbâwnaa Pathianin tlanna ruahmanna a siam chu an rilrû-ah a lo lan thîn vâng a ni (*Exod. 29:41*). “Min rawn hnaih teh u” (*1 Lalte 18:30, NKJV*) tia a sâwmna thû hian Chhandamtu’n a hnên pan tûra mi sualte a sâwmna kha min hriat chhuahtîr leh a (*Mat. 11:28*). An fâte tihmawh avânga rilru na ngawih ngawih nû leh pête hian, Pathianin Israel mîte a hmangaih ang chiah khân anni pawh a hmangaih vê a ni tih Chiang takin an hre thei. Ani chuan mi tihmawhten a hnên an rawn pan leh theih nân châwl lovin hnâ a thawk thîn a ni.

Elijan Jehova maichâm a ngâi pawimawh hlê mai hian, keimahnî hunah pawh in chhûngkhura Isua leh a khawngaih chhandamna châwisân a pawimawhzia min hriat chhuahtîr a. Chhûng inkhâwm hi tawngtâina hmanga Pathian biak hona, amâ chanchin sawi hona, a chhandamna thilthlâwnpêk dawn thar lehna leh, kan thintlunge a zirtîrna lamah kan hawitîrna hun remchâng tha tak a ni.

Elijan a tawngtâi chhâna atâna a beisei hian Israel mîte chu Pathianin a lamah a hruaikîr leh ta a ni tih a hriatîr dâwn a ni. 1 Lalte 18:27 chuan heti hian a sawi a, “Hêng mipuite hian . . . an thintlunge i lamlêttîr leh ta a ni tih an lo hriat theih nân. . .” tiin. Keimahnî theihna ngawt chuan kan

thinlungte hi Pathian lamah kan hawitîr thei lo; a thlâwna min pêk a khawngaihna chu kan lo chhâng lêt thei chauh a ni.

Thil eng kim kâng fâi vektu mei chu thil tisualtûte chungah ni lova, hâlral thilhlan chungah zâwk a lo tlâ hian, Isua kha min kawhhmuh a, “Amahah chuan Pathian felna kan lo nih theihna tûrin. . . sualah siam a ni ta a ni” (2 *Kor.* 5:21, NKJV). Mahni sual puanna leh Pathian fakna thû chu mîte hmûi atangin a lo chhuak ta a. Baala puithiamte erawhin Pathian sâwmna an chhân vê duh loh avângin thah vek an ni thung. Chutichuan, lei chung ro lutuk tawh tihnâwng tûrin ruah tam tak a rawn sût ta a ni.

**Engti kawngin nge in in chhûng kha “mâichâm a nih le? Engtin nge in chhûngkaw “mâichâm kha i dinthar leh” theih ang?**

NILÂINI

JUNE 26

**Jordan Luia Thinlung Hawi Kîrtîr Lehna**

Gabriela lo sawi lâwk ang leh (*Luka 1:17*), Isua pawhin Elijâ hrilh lâwkna a ni tih a nemngheh vê leh bâkah (*Mat. 11:14; 17:12, 13*), Chanchin T̄ha bu ziaktûte hian Baptistu Johana kha LALPA kawng sialtu “tirhkoh” a nih thû a rawn sawi vê leh t̄heuh bawk (*Mat. 11:10; Marka 1:2; Luka 7:27; Malakia 3:1* pawh en bawk la).

**Johana thuchah laimû tak hi han chhiar la. Eng tiang kawngin nge a thuchah hi mîte “thinlung hawikîrtîru” a nih le? *Mat. 3:2, 8; 14:4; Marka 1:4; Luka 3:3, 8, 9, 11, 13, 14.***

Loneitûten thlâi chî an thlâkna tûr lei châr tak chu an chêk phut hmasa phawt t̄hîn ang deuh hian, Johana pawh

khân sualnarawn dovin, mi sualte pawh an sual sim tûrin a tur bawk a. Mihring zia hi a mak khawp a, mahni inenfiahna, mahni dinhmun dik tak hriatna a awm loh chuan, kan dinhmun pângngâi âia tha zâwka awm tûl tihna pawh neih a har hlê thîn. Johana thusawi hian Pathian lamah mîte hawi kîrtîrin, a thil phûtte chu a thianghlimzia a hmuhtîr a, a felna famkim chu an mamawh a ni tih a hriattîr bawk. Simna dik tak chu inngaihtlâwmna leh nungchang thlâk danglam nâna Pathian puihna dîlin a zui ngei thîn. Abraham a chu an paa chhâla anmahni an lo indah sânvê ringawtna chu eng mah a nih lohzia hrilhin, an thlahtûte rinna awmze thûk zâwk chu hrilh a tum a ni.

**Eng tiangin nge Johana thu sawi khân Isua tân kawng a lo sial le?** *Johana 1:35–37, 3:27–30.*

Johana khân Isua chu Pathian Berâmno a ni tih a sawi a. Hetianga Isuâ nihna a sawi chiah khân (*Joh. 1:29, 36*) mîte chu LALPÂ lam a hawitîr ta a ni. Andria leh Johana zirtîr dang pakhat, chumi nâ thil thleng chanchin ziaka lo dahtu Johana-te chuan, Baptistu Johana kha kalsan nghâlin, Isua zirtîr an lo ni vê ta thung a. Elijâ thusawi khân mîte chu an sual an sim a tûl a ni tih a hrilh ni mai lovin, sual lak atâ anmahni chhandamtu chu hrilhin, amah chu a lawmtîr a, a hnênah mîte a hruai kîr bawk a ni.

**Baptistu Johana kha in in chhûngah lo lût vê ta se, in hnênah eng thû nge sawia i rin?**

NINGÂNI

JUNE 27

**Ni Hnuhnunga Thinlungte Hawikîr Lehin**

Keini Adventist-te hi Baptistu Johana hna thawktûte niin kan inngâi a. Siamthatna leh simna thu Johana tlângâupui



khân a ÷um khatna atâna Isua lo kalna tûrin kawng a lo buatsaih a; chutiang deuh chuan keini pawh hian a lo kal ÷um hnihna atâna kawng kan lo buatsaih vê niin kan inhria a ni.

### **Tawngtâina nêh Luka 1:17 hi chhiar la. Hêng thûte hian engtiangin nge kan thuchah ken hi a khâi khâwm le?**

Vân Pa chuan amâ lamah a fâte thinlung chu a lamlêttîr leh a, chu mai pawh chu ni lovin, Kristâ Kraws zârah inngaihdam tawn duhna thinlung a neihtîr ÷euh bawk. Elijâ thuchah hian chhôngkuate chu hê chanchin ÷a lâwmawm êm êm mai hi ring tûr leh (*2 Korin 5:18–21; Efesi 2:11–18*), Thlarau Thianghlimin anmahnia hmangaihna rah a thlen ang zia zêla khawngaihnaa khat tûrin a ngên a ni

Khawvêl hian mahni hmasialna tel miah lova amah ngaihsaktu, mi inpê leh rilru nghet tak pu chung a Pathian rawngbâwltu a mamawh êm êm a. Kristian chhôngkuate hian Pathian khawngaihna azârah chutiang chu an lantîr thei. Mahse, khawvêl hnêna kan puan tûr thuchah hi keimahni tân pawh a ni vê tho a ni tih kan hre reng tûr a ni. Chanchin thain a sawi te, inpumkhatna te, hmangaihna te, mahni inhlanna te hi keimahni zîngah, a bîk takin kan chhôngkuaa kan lantîr hmasak zet hmâ loh chuan hê thuchah hi mi dangte hnênah kan hrilh chhâwng tak tak thei lo vang. Sermon tlawr tak tak te, Bible thû aţanga hnialkhân fîng ber ber te pawh hi a tâwk zo chuang lo; khawvêl hian simna, thinlung hawi kîrna, hmangaihna leh inpêkna thû kan hril hi keimahni nunah, a bîk takin kan chhôngkaw nun ÷euhah anrawn hmuh a ngâi a ni. Baptistu Johana khân a thû ngâithlatûte nun a thlâk danglamsak thei a, a thuhril pawh awmze neia a siam thei ang khân, keini pawhin Pathian khawngaihna azârah kan ti vê thei a; mahse, kan thawhpui tak tak leh tak tak lohah a inngat thui hlê thung ang.

Isuâ zârah vâh chhûngkaw member kan ni vê a (*Efesi 3:15*). Chuti a nih chuan, chhûng tinte hi a rawng kan bâwl nia kan sawi Pathian tân thu hretûte ni tûra koh kan ni a, thuhretu thâ leh rinawm kan nih theih dân ber pawh, chanchin thâ thiltihtheihna zâra chhûngkaw awhawm tak kan nih hi a ni.

**I chhûng leh khatte emaw, i chênpuite emaw hnênah khân amahni i hmangaih a, i ngaihsak êm êm a ni tih lantîrna tûrin eng thil nge tih theih i neih le?**

**ZIRTÂWPNI**

*JUNE 28*

**Ngaihtuah zui atân:** Ellen G. White-i lehkhabu, *Zâwlneite leh Lalte* bû phêk 127–136-a “Karmel” tih leh, *Chatuan Nghahfâk* bû phêk 89–104-a “Thlalêra Mi Âu Âw Chu” tih te kha chhiar ni se.

“Kan thuchah puan chu Johana puan anga chiang leh tlang kha a ni tûr a ni. Ani chuan lalte chu an thil tih sualah a zilhâu va. A nunna atâna hlauhawm thei a ni tih hre reng mah se, thutak chu a sawi chhuak tîm chuang rêng rêng lo. Keini pawhin kan hnâ hi rinawm takin kan hlen chhuak vê ngei tûr a ni.”—Ellen G. White Comments, *The SDA Bible Commentary*, vol. 4, p. 1184.

**SAWI HO TÛRTE:**

- ❶ **In class-ah in kohhran tâna Elijâ thuchah pawimawhna sawi ho ula. In kohhran khân Elijâ thuchah a hriatthiam theih nân leh, chu thuchah chu puan darh tûr a ni tih a inhriat theih nân engtîn nge i ãnpui theih ang?**
- ❷ **Pathian hnêna an “thinlung hawikîrtîr lehte” kha an testimoni sawi tûrin sâwm la. Chutianga an thinlung a lo danglam tâk avâng chuan an nunah leh an chhûngkaw nunah pawh eng thil thar nge lo thleng le?**

- ③ Johana hnâ ang kha kan thawk vê a ni tih kan pawm a nih chuan, eng thil nge kan chungah lo thlenga kan rin? Kan chhânaah chuan eng thuchah nge awm?
- ④ In class-ah khân Bible-in chhûngkaw thâ nia a sawite nih phung hrang hrang nia in hriat thawh khâwm ula. Tûn kuartar-a in zir tawhte aţang khân, Bible-in chhûngkaw thâ leh duhawm nia a sawi ziarâng hrang hrang chu in lo hre hlawm em? In hriat ang chu in kohhran member dangte hnênah pawh in hrilh vê dâwn nia.
- ⑤ Nû leh pâ in nih chuan, LALPÂ lak atâ tlân bo tawh in fâte hnênah khân Pathian thutiam engte nge hrilh chhâwn tûr in hriat le?